




ՀՐԱՋՅԱ ՆԵՐՍԻՍՅԱՆ

1961 թ. նոյեմբերի 6-ին, երկարատև ու ծանր հիվանդությունից հետո, վախճանվեց Սովետական Միության ժողովրդական արտիստ Հրաչյա Ներսիսյանը: Հայ ժողովուրդը, սովետական թատրոնն ու կինոարվեստը մեծ և անփոխարինելի կորուստ ունեցան: այլևս չկա մեր Միության ժողովուրդների կողմից խորապես սիրված ու գնահատված մեծանուն արվեստագետը, որի համբավը արդեն վաղուց դուրս էր եկել հայ իրականության սահմաններից:

Հրաչյա Ներսիսյանը ծնվել է 1895 թ., Պոլսի մոտ գտնվող Նիկոմեդիայում: Երա առաջին քայլերը թատերական արվեստի բնագավառում դուզադի-

սլում են առաջին համաշխարհային պատերազմին հաջորդած մռայլ տարիներին: Բնությունից շոալորեն ուժեղացած, իր կյանքը իսկական, մեծ արվեստին նվիրարեցելու ձգտումով տոգորված երիտասարդը երազում էր կատարելագործել իր բնատուր ձիրքը, բայց բնորոշակություններն ի սպաս դեկ իր նոր, վերածավող հայրենիքի՝ Սովետական Հայաստանի կուլտուրական ծաղկմանը: Եվ ահա 1922 թ. նա Պոլսից փոխադրվում է Երևան:

Հրաչյա Ներսիսյանը սովետահայ թատրոնի եռանդուն և ամենախոշոր ստեղծողներից մեկն էր, նրա բեմի մեծատաղանդ վարպետը, որի կյանքն ու շողշողուն արվեստը թատերական մի քանի սերունդ են դաստիարակել: Մոտ յառասուն տարի բացառիկ եռանդով ու նվիրվածությամբ նա ծառայել է մեր թատրոնին՝ կերտելով շուրջ 130 կերպարներ: Մեծ դերասանը իրեն հատուկ վարպետությամբ ու ներքին ավելումով հանդես է նկեր ինչպես հայ, այնպես էլ ռուս և Եվրոպական կյանքի ու ժամանակակից դրամատուրգների պիեսների բեմադրություններում: Բաղդասար աղբարի, Էլիզբարովի, Պեսոյի, Պահլավունու, Գեորգ Մարգարետունու, Կոշիկինի («Լյուրով Յարովայա»), Վերջինների («Զրահագնացք № 14—69»), Պլատոնի («Պլատոն Կրեչետ»), Պրոտասովի («Կենդանի դիակ»), Օթելլոյի, Մեր-Գրեգորի («Իմ սիրտը լեռներում է») և բազմաթիվ այլ բեմական կերպարների վրա դրոշմված է Հրաչյա Ներսիսյանի հզոր արտիստական տաղանդի ինքնատիպ, անթափանչ կնիքը: Նա խոշոր էրուդիցիայի տեր արվեստագետ էր և իր անդուգական խաղով հավասարապես հմայիչ ու զերուզ՝ ամենատարբեր դերակատարումների ժամանակ: Հայ թատրոնի լավագույն տրագիկոսները դուղակցելով արդիականության պահանջներին, Հրաչյա Ներսիսյանը իր արվեստին հաջորդում էր մեծ հնչեղություն, այդ արվեստը մեր ժամանակների ծնունդն էր և նրա փայլուն արձագանքը:

Հրաչյա Ներսիսյանը անդհահատելի ծառայություն է մատուցել հայկական կինոարվեստին, որի հիմնադիրներից մեկն էր նա, ամենատաղանդավոր դեմքը, էկրանի մեծագույն վարպետը: Այստեղ էլ բազմակողմանիորեն դրսևորվեց Հրաչյա Ներսիսյանի աննման տաղանդը, նրա ստեղծագործական վիթխարի փորձը: Ռուստամի, Պեսոյի, Հանես ամու («Սևանի ձկնորսներ»), Բավիթ-Բեկի, Էլիզբարովի, Ներսես աղբարի («Տժժվիկ») և շատ ուրիշ դերակատարումներ իրենց հատուկ տեղն ունեն սովետական կինոմատոգրաֆիայի պատմության մեջ:

Ժողովրդի հետ սերտորեն կապված, իր մեծ արվեստը ժողովրդին նվիրաբերած հայրենասեր արվեստագետը բարձր գնահատականի է արժանացել Կոմունիստական պարտիայի և Սովետական կառավարության կողմից: Նա պարգևատրվել է Լենինի և Պատվո Նշան շքանշաններով ու մեդալներով, այլ կոչումների և կառավարական մրցանակների հետ միասին արժանացել նաև Սովետական Միության ժողովրդական արտիստի բարձր կոչման:

Հրաչյա Ներսիսյանը ժողովրդի կողմից անհունորեն սիրված, անկրկնելի արվեստագետ էր, մեծ սրտի տեր, համեստ ու ազնիվ մարդ: Նրա անունն ու պայծառ հիշատակը հավերժ կապրի ժողովրդի սրտում: